


## Resumo

### Introdución á función financeira



### ***Función financeira:***

A función financeira selecciona os distintos investimentos necesarios para levar a cabo a súa actividade e das diversas fontes de financiamento axeitados a cada inversión

Activo non corrente	Patrimonio Neto
Activo corrente	Pasivo non corrente
	Pasivo corrente
<i>Investimentos</i> <i>Estrutura económica</i>	<i>Financiamento</i> <i>Estrutura financeira</i>

### ***Clasificación das fontes de financiamento:***

▪ Segundo a <b>duración</b>	▪ A <b>longo</b> prazo ▪ A <b>curto</b> prazo
▪ Segundo a <b>procedencia</b>	▪ <b>Interna</b> ou autofinanciamento; proceden da empresa. ▪ <b>Externa</b> ; proceden do exterior da empresa
▪ Segundo a <b>propiedade</b>	▪ <b>Propios</b> , son propiedade da empresa e non ten que devolvelos. ▪ <b>Alleos</b> , son propiedade doutros.


### ***Relación entre as fontes de financiamento:***

<b>Recursos propios</b>	<i>Amortizacións</i>	<b>Autofinanciamento</b>
	<i>Provisións</i>	
	<i>Reservas</i>	
	<i>Capital</i>	
<b>Recursos alleos</b>	<i>Préstamos</i>	<b>Financiamento externo</b>
	<i>Crédito</i>	
	<i>Leasing</i>	
	<i>Renting</i>	
	<i>Factoring</i>	
	<i>Desconto</i>	
	<i>Empréstitos</i>	

### ***Autofinanciamento ou financiamento interno:***

#### ***Tipos:***

- Autofinanciamento por **mantemento**: **Amortizacións** e **provisións**. Permiten manter a capacidade produtiva da empresa.
- Autofinanciamento por **enriquecemento** ou crecemento: **Reservas** (beneficios non repartidos). Impulsan o crecemento aumentando a capacidade produtiva da empresa.



---

### **Financiamento externo:**

---

- Financiamento **PROPIO**:
  - **Capital**. Son as achegas dos propietarios, ben nun momento inicial ou nun momento posterior (ampliacións de capital). Non son esixibles, non hai que devolvelos.
- Financiamento **ALLEO**:
  - Crédito comercial de **acreedores, provedores e outras partidas pendentes de pagamento**. Tamén financian a empresa. Non teñen un custo directo, pero si hai un custo de oportunidade nos descontos que a empresa deixa de obter ao diferir o pago.
  - **Desconto de letras ou desconto comercial**. Operación pola que un banco adianta o importe dunha letra de cambio antes do vencemento, cobrando uns xuros.  $\text{Importe a cobrar do banco} = \text{Importe da letra} - \text{xuros polo tempo adiantado}$ . O risco de non pagamento dos efectos ao seu vencemento segue sendo a cargo da empresa.
  - **Factoring**. Operación pola que unha empresa cede facturas ou dereitos de cobro (letras de cambio, recibos, pagarés,...) á empresa de factoring (ou factor). A empresa de factoring encárgase de presentar as facturas ao vencemento, despreocupándose a empresa de facelo. Ademais, o factor pode adiantar o importe á empresa antes do vencemento, cobrando uns xuros. O risco de non pagamento pode correr a cargo da empresa factoring.
  - **Préstamos**. Operación pola que unha entidade financeira (bancaria ou non) **entrega** una cantidade de diñeiro á empresa, que deberá devolvela xunto cuns xuros, nuns prazos estipulados. Poden ser a curto ou a longo prazo.
  - **Créditos**. Operación pola que unha entidade financeira **pon a disposición** dunha empresa unha cantidade de diñeiro ata un límite. A empresa pode utilizala toda ou en parte. Só ten que pagar xuros pola parte disposta, non por todo o límite.
  - **Leasing**. É un contrato de arrendamento dun ben que inclúe unha opción a comprar o ben ao final do contrato. A empresa pode exercer a opción e comprar o ben ou non.
  - **Renting**. É un contrato de aluguer. Non hai a posibilidade de comprar o ben alugado.
  - **Empréstitos**. As sociedades anónimas poden emitir obrigas ou bonos. Cando unha empresa precisa grandes cantidades de diñeiro e non quere acudir a endebedarse coas entidades financeiras, pode pedir prestado aos inversores ou aforradores en xeral. Un empréstito non é máis que un préstamo dividido en pequenas partes que podemos adquirir os particulares. Teñen un vencemento e uns xuros que debe pagar a empresa emisora. Ao igual que as accións, as obrigacións ou os bonos son títulos valores e poden cotizar nos mercados de valores como a Bolsa.